

[www.BibleForChildren.org](http://www.BibleForChildren.org)



Juan 14



'Kadi mnavyinma'yunmo'ojada. Jaanchjávada je Nte'yam,  
jaanchja'viduvats ats. vJem ats je nTee' tyak'am, jem xa ve'e  
ooy je it tyunjatyju joma ve'e je jayu chaanat; pan ka'a ve'e  
kuvye'ema, tats ats miitse'e je xyup nvaajnjada. Ax najkxuts  
ats je it du'apaamduka joma ve'e m'ijttinit.



Ax kuts ats miitse'e najkx je it n'apaaajmtkijada, van'itts atse'e nmiinnuvat jets ats miitse'e min nyaktsoo'ndini, ve'em tse'e jem m'ijttuvat joma ve'e ats.



Āts, je Juan, miits je m'utsta je m'ajhta, kijpx āts  
miitse'e ntukmaatyaknáxta je tsaachpaatun, ijtp atse'e  
miits maatta jem je Nte'yam y'am kya'm

jetse'e ntukmaatmuténada je  
tsaachpaatun. Je'e kajx



ya'a ve'e kuxe'e  
n'ijtumda to'k muk  
je Jesucristo maat.



Yakmajtsts ətse'e jəts ətse'e yaja nyakpuujm, to'k jə it  
juu' ve'e yaja maaxy naaj akujk. Patmos ya'a ve'e  
xyaaj. Jə'e kajxti ətse'e ve'em nyaktuujn


kuxe'e ət̄s ntukka'amáy jə  
Nte'yam jə kyəts jə y'ayook,



jə'e ve'e ku ətse'e jə  
tɪvəkɔjtsun mpum jə  
Jesucristo kajx.



Tun to'mayjits ȧtse'e je Espíritu Santo xyaknuj<sub>kx</sub> jem  
tsapjootm. Jemts ȧtse'e to'k je kutojkun tsuujntkun n'ix.  
Jem tse'e to'k chuuna.



N'amotunajxpatš atse'e nujom paṅ paṅ jatye'e je Nte'yam  
pyaam juu' ve'e ijttup jem tsapjootm, yaja naxviijn, jep  
naxviijnit itupa'tkup, jets jem maaxy najootm. Jidu'um tse'e  
vyaandi: Je'e pane'e je kutojkun  
tsuujntkun dutuktsuunip jets je'e  
pane'e yaktijp Carnero Onuk, je'eda  
tse'e dujajejptinup je oy nukojtsin, je  
vintsa'kin, je  
majin je jaanchin,  
jets je kutojkun.  
iVe'em tse'e  
y'ijtnit xa'ma  
kajx! Jidu'um  
tse'e vyaandi.



Ats, je Juan, n'ix atse'e je kunuu'kx ciudad, je nam Jerusalén,  
jemts je'e ve'e tsapjootm kyadaaky, jeja je'e ve'e je Nte'yam  
vyinkujk chaan, apaamdukani ve'e vye'na ax jo'n to'k je  
kiixuta'ax juu' ve'e tuñaajk'oyaja tuñaajkpaadaja ku ve'e  
yaa'vyakuva'añ.



Van'itts ətse'e n'amotunajxy to'k je ayook jem tsapjootm  
chaa'n, jetse'e makk vyaajñ: —Je Nte'yam maat tse'e  
je jayu uxyam jyoojntykini ax jo'n je jayu to'k jaajn to'k tajk  
jyoojntykada jo'n, je'e tse'e je jyáyuda. Je Nte'yam, viinmts  
je'e ve'e y'ijtnit je'e maatta jetse'e je jayu duNte'yamidinit.




Van'itts ətse'e je ángeles xtuk'ix to'k je mājā nāaj juu' ve'e  
joojntykinyajkp, va'ajts tse'e tyukke'xnajxkúx ax jo'n je  
cristaajl; je Nte'yam jets je'e pāne'e yaktijp Carnero Onuk,  
jeja joma ve'e je kyutojkun tsuujntkunda, jėjats je'e ve'e je  
mājā nāaj cháa'n.



Je ciudad, ka'ats je'e ve'e vyinkopka jetse'e kyujajjut  
kyuta'kxjut je aampa xaaj je aampa po'o, kux je Nte'yam jets  
je'e pane'e yaktijp Carnero Onuk, je'e je myajin kajxta tse'e  
je ciudad yakkujaj yakkutu'kx.




Ni je vin'ita tse'e jem kyatákat juu' ve'e ka va'ajtsap, ni ka'a tse'e pan pan jatye'e axaa'kp juu' jaty dutoondup dukojtstup, ni je'e juu' ve'e je jayu dvin'aa'ndup, je'ejyji ve'e takadap pan pan jatye'e je xyaajta javyet jep libro kujxp joma ve'e javyet je xyaajta pan pan jatye'e xa'ma kajx joojntykidinup. Je'e pane'e yaktijp Carnero Onuk, je'ets je'e ve'e je lyiibro.




Je Nte'yam tse'e yakkeekuxjidinup nujom je vyinnaajta, ka'a tse'e y'uk'oo'ktinit, ka'a tse'e y'ukyaaxtinit, ka'a tse'e y'uktsaachvinmaaydinit, ka'ava tse'e ti pa'am y'uk'ijtnit, kux nujom juu' jatye'e tuy'it tujyeja, tavanits je'e ve'e najxkux.




Ka'a tse'e jem y'ítut juu' ve'e ko'oy nukotsa. Jemts je'e ve'e ciudad kajxm y'itta je kutojkun tsuujntkun joma ve'e chaanada je Nte'yam jets je'e pane'e yaktijp Carnero Onuk, jem tse'e vyinjávajadat vyintsa'agajadat je myutoompada je myupajkpada, jem tse'e je vyiijn je y'aaj du'íxtat jetse'e je'e je xyaaj javyet dujayéptat jem vyimpókkum.



Van'itts atse'e n'ix je oo'kpatajкта, je mujit je muutskit, je'e  
tse'e je Nte'yam duvinténidup. Van'itts atse'e n'ixpa to'k je  
libro yak'aye'pva'kxy, jetse'e yak'aye'pva'kxpa jado'k je libro  
joma ve'e javyet je jayu je xyaajta pan pan jatye'e  
joojntykidinup xa'ma kajx. Ve'em tse'e je  
oo'kpatajk yaktokimpayo'ydi pan vintso ve'e  
juu' tudutonda tudukotsta oy ka'oy, ve'em  
ax jo'n javyet y'it je'e kajxta. Jem  
tse'e yak'avíppidini pan  
pan jatye'e je xyaajta ka  
javyétap jep libro kujxp  
joma ve'e javyet je xyaajta  
pan pan jatye'e xa'ma kajx  
joojntykidinup.



Jidu'um xa ve'e vya'añ je Espíritu Santo maat je Jesucristo je  
jyáyuda: —Miinni to'k aaj. Pañ pañ tse'e du'amotunajxp,  
va'an tse'e du'va'añy: —Miinni to'k aaj. Pañ pañ tse'e taatsip,  
va'an tse'e dumiinni. Pañ pañ tse'e dutsojqp, va'an tse'e  
ve'emji du'uu'ku je tsoxk naaj juu' ve'e je joojntykin duyajqp.



Tyuntsojk'oo'k  
xa ve'e je Nte'yam je  
naxviijnit jayu, paaty tse'e dukejx pane'e  
tun to'k y'Onukip. Ve'emts je'e ve'e dutuujn  
jets pan pane'e dujaanchja'vip je Nte'yam  
je y'Onuk, jetse'e kyavintókiyut,  
je'e ve'e jetse'e dujajejpnit  
je joojntykin juu' ve'e  
xa'ma kajx ijtp.



Romanos 3:23 Ta xa ve'e nujom je jayu tyokintonda, ni pana tse'e dukah'amaadaaga jetse'e dutonut juu' ve'e je Nte'yam chajkp, nujom tse'e dumujekumada je Nte'yam je myajin je jyaanchin.

Romanos 6:23 Ax ve'em tse'e, ku xa ve'e je jayu tyokintonda, yaktukkuvettaps je'e ve'e je tyokinda, xa'ma kajx tse'e chaachpaattinit; ax je maa'yun juu' ve'e je Nte'yam je jayu nunve'emji tyoojnip, je'e kajx tse'e dujayepta je joojntykin juu' ve'e xa'ma kajx ijtp, to'k muk tse'e y'itta je nMaja Vintsanamda Cristo Jesús maat.



Hebreos 9:27 Ve'em ax jo'n nupaamduka jetse'e  
anañujoma je jayu y'oo'ktat van'it tse'e  
yaktokimpayo'ydinit,

Efesios 2:8,9 Je myaa'yun kajx tse'e je Nte'yam  
xyaktsookumdi je'e kajx ku ve'e njaanchja'vimda. Ni  
pana xa ve'e viinm kya'o'yixju jetse'e ñaajktso'okjut, je  
Nte'yam je myaa'yun kajxts je'e ve'e jetse'e tsa'ak  
n'ijtumda. Ka je'e kajxap xa ve'e je Nte'yam  
xyaktsookumdi kuxe'e nto'numdi juu' ve'e oy, ve'em  
tse'e ni pana kyanamyajajat.

Romanos 10:9,10 Pan mtukkajtsp xa ve'e je m'aaj jets  
je Maja Vintsan je'e ve'e je Jesús, jetse'e jem mja'vin  
kajxm xaanchjáva jets je Nte'yame'e  
yakjoojntykpajkinuva ku ve'e y'uk'aa'k, mjayépupts  
mitse'e je joojntykin juu' ve'e xa'ma kajx ijtp.



Kux yame'e nja'vin kajxmam njaanchja'vimda, je'e kajx tse'e je Nte'yam xkatokimpa'mumda; jets ya n'aajamda tse'e ntukkojtsumdup, je'e kajx tse'e njajejpumda je joojntykin juu' ve'e xa'ma kajx ijtp.

Juan 3:16,17 Tyuntsojk'oo'k xa ve'e je Nte'yam je naxviijnit jayu, paaty tse'e dukejx pane'e tun to'k y'Onukip. Ve'ems je'e ve'e dutuujn jets pan pane'e dujaanchja'vip je Nte'yam je y'Onuk, jetse'e kyavintokiyut, je'e ve'e jetse'e dujajejpnit je joojntykin juu' ve'e xa'ma kajx ijtp. Ka je'e kajxap xa ve'e je Nte'yam dukejx je y'Onuk yaja naxviijn jetse'e je jayu dumooynit je tsaachpaatun juu' ve'e xa'ma kajx ijtnup, je'e kajxe'e jets je jayu duyaktso'okut.



1 Juan 5:11-13 Ax ya'ats je'e ve'e juu' ve'e je Nte'yam  
kyojts je y'Onuk kajx: Xmo'yumduts uu'm je'e ve'e je  
joojntykin juu' ve'e xa'ma kajx ijtp, jets je joojntykin  
juu' ve'e xa'ma kajx ijtp, njayejpumdups uu'm je'e ve'e  
je y'Onuk kajx. Pan pan xa ve'e jem jya'vin kajxm je  
Nte'yam je y'Onuk, jyayejppts je'e ve'e je joojntykin  
juu' ve'e xa'ma kajx ijtp; ax pan pan tse'e jem jya'vin  
kajxm ka'ijtp je Nte'yam je y'Onuk, ka'ats je'e ve'e  
dujayep je joojntykin juu' ve'e xa'ma kajx ijtp. Miiitsta,  
pan pan jatye'e dujaanchja'vidup je Nte'yam je y'Onuk,  
je'e kajxts ats miits ya'a ve'e ntuknujáyada jetse'e  
xnujávadat jets mjayejptupe'e je joojntykin  
juu' ve'e xa'ma kajx ijtp.



Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Mixe, Totontepec NT (mto) © 1989, Wycliffe Bible  
Translators, Inc. All rights reserved.

<https://live.bible.is/bible/MTOTBL/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

